

HAVAAGHAIT, MUNAQTAGHAIT, HAVAUHILLU

Ilihaqtut Maliktaghait

Ataniqtuqtuiniqmut Ilihimaghat
Ayuiqhaiyut Ilihimaghainik
Makpiraanguyut Miiyanut
Katimayinullu
Nunavunmi Nunallaarnit Ilihaiyit Katimayiit



NAUNAITKUTAT MAKPIQQANUT

QANUQ ATUQTAUYUGHAQ HAPKUA MALIKTAGHAT	1
ILITTUQHITIT	2
Katimayit Ataniqtuqtuiyut	2
HAVAAGHAIT ILAGIINGNIILLU	3
Ilagiingniit Katimayunit	3
Ilagiingniit Katimayit Ahiillu Ikayuqtigiiit	3
Katimayit Nunallaarnilu Kivgaqtuiyut	4
Katimayit Havaktiillu Ilagiingniit	4
Havaaghait Ilagiingniqmullu Inmingnut-Qauyihautit	4
Qaritauyakkuurutinit Naunaiqhiviit	5
MUNAQTAGHAIT	5
Katimayit Munaqtaghait	5
Hulivakpa Miiyauyuq?	6
Hulivakpat Katimayit?	6
Havaaghaita SAO/CAO	7
Aulapkaiyiryuat akihaqtuqhugit Titiraliqiyit	8
Qaritauyakkuurutinit Naunaiqhiviit	9
Munaqtaghainut Inmingnut-Qauyihautit	9
HAVAAGHAT HAVAUHIILLU	10
Nunallaarnit Kavamait Aullaqtihimayait Ikayuutaillu	10
Ihumagilluaqtaghanik Hanayut, Ihuaqnighakkut Parnaiyautit, Maniillu Atuqtauyughat	10
Ingilrutit Katimayit Atuqpagait Ingilravighainut	12
Aulapkainiqmut Parnaiyaiyut	13
Ihumaliurniqmut Havauhiit	14
Ihuinaaqtailiyut Katimatjutigiyainut	15
Havaaghait Havauhiillu Ingmingnut-Qauyihautit	15
Qaritauyakkuurutinit Naunaiqhiviit	16
TAIMAAQTIRUTIT	17

QANUQ ATUQTAUYUGHAQ HAPKUA MALIKTAGHAT

Ataniqtuqtuiniqmut Ilihimayaghat tukliringuyut ilihagtaghat hanayauhimagut taapkunanga Nunavunmi Nunallaarnit Ilihaiyit Katimayit (MTO) ikayuutighait Miiyauyunut Katimayinullu ayuiqhahiyaamik ilihimaghainik ihumaliurniqmik munaqtuiniqmiklu qauhimattiarniqmik ilihimattiarniqmiklu.

Una titiraq, taapkua *Havaaghait, Munaqtaghait, Havauhiillu Ilihaqtut Maliktaghait*, atauhiyuq qaffuyunik ilauyut ilihagtaghanut pivighat hapkunuuna aghuurnaqtut unipkaaghat.

Ilihaqatauguvit katimaqatauyunik hivuliqtiqahutik ilihaiyimik, ilihagtaghanit pivighat iliqahiutihimagut ilittiarniqmut qunngiagaghaq, ilihagtagtit titiraqtaghait, titiraqhimayullu qaritauyakkuurutinit ilihaitjutighat. Ilihaiyuq tuniniaqqaatit makpiraaqnik ihariagiyanik ikkuaqtiuniaqhuni ilihagtagtit apluqtaghat malighugit.

Ilihaqniaruvit ilikkuuqlutit, ilihagtaghalluat qunngiagtaghamiittut, hamani maliktaghani, ilauyunilu qaritauyakkut pivighanitt. Piyuitkuvit huli, qunngiagaghaq, maliktaghat, ilauyullu pivighat qaritauyanit piinnarialgit talvanngat MTO-kut qaritauyakkuurutainit.

Ilikkut-ilihagtagtunut, qunngiagaghaq Ilihaqtullu Maliktaghaat atauttikut atuqtauyughat:

1. **Aullaqtiqlutik qunngiagaghanik.**

Aviktuqhimaguy qaffinut ilihagtaghanut maliguattiaqtuqlu parnaiyaihimagaanit Ilihaqtut Maliktaghainit. Qunngiagaghaq iniqtaugumi, nutqaqyauniaqtuq qunngiagtagtit hanaqiyaulutillu ilanganik pitquyauhimagut havaaghat.

2. **Havaarilugit havaaghariyatit.**

Havaaghat iniqhigaangat ilihagtaghanik taapkuangulaqtut:

- Ihivriughugit nakatait Ilihaqtut Maliktaghainit
- Ihumagiplugit qanuq ihuaqhainahuarniarumik ihuilutunik Katimayiuqlutik
- Qaritauyakkuurutunik atuqhutik pivighanik qiniqhiaplutik ikayuutauniaqtuq hivunighami

3. **Aullaqtiqiklugu qunngiagtagtit.** Talvanngat, hivumuuqlutit tuklianut qunngiagaghanit ilihagtaghanut. Taimaa havauhiit qulaani atuqhimmaaqlugit iniqhiilugit tamangnik ilihagtaghat.

Taimaa, iniqhimalirungni ilihagtaghat, apiqhuutighaqaruvit kiuyauhimagut, Katimaqatigiyatit nunallaarniluuniit havaktit kiutjutighaqarungnaqhiyut ilingnut – imaaluuniit nani kiuyaulaarumik.

Naungmikiaq, qauhimavaalliqniagtagtit Katimayit havaaghait, munaqtaghait, havauhiillu havaarigaangupkit upluq-tamaat havaaghaita Miiyam Katimayiuuniit.

QUANAQQUTIT!

MTO-kut ilitariyumayaat aittuutaita ikayuqnikkut taapkua Nunattiami havakviat Nunallaarnik Nunaqatigiillu Ikayuutait, Ilihaqvik Nunallaarnik Kavamaliqiniqmut, titiraliughugu taamna *Havaaghait Munaqtaghaillu Niruaqtauhimagut Hivuliqtiit Ilihaqhutik Katimavianik Ilihaqtut Maliktaghait* piinnarialik atuqtauyughatut pivighatullu hapkunani makpiraaqhiyuhimagut.



ILITTUQHITIT

Niruaqtauyaamik hivuliqtitut nannganaqtuq havaaghatqiupluni. Niruaqhutik Katimayinut, nunallaarmiut nunallaarnit uqaqhimayut taimaa ukpiruhuktut taimaa ilihimattiaqtutit hivuliqtittianguniaqhutillu hivumuuqtittilugu nunallaat. Naunaittuqli, niruaqtauhimayut havaktighat munaqtaghaqarluaqtut. Ingattauyuq Katimayiun'ngauguvit, havakvingnit havagiarimik hivulliutauyuq ilihakaffugiamik qanuq munaqtaghaqariaghait qanuqlu iniqpagiamik.

Ilitpallianaqtutit havakvingnit havaqatigivalliaplugit katimaqatigiit, haamlatkut havaktiit, nunallaarmiut, amihullu aallat, ilitpalliyaamik ayurnaittunik qilaminnuaq taimaa ilauplutik ilihaqtaghanut, ilihaqtittiyunut, takupkaiyunullu ihumagilluaqtunik havaanginnik haamlatkut kavamait titiraliqiyiillu.

Una ilihaqtaghaq ilihaivaktuq ayurnaittunik ilihimayaghanik haamlatkut kavamainit.

Taapkuanguyut:

- Ilauyulluat haamlatkunnit kavamainit ***havaaghaitalu*** havaarivagait,
- Taapkua ***munaqtaghaita*** tamangnik ilauyut iniqhimayaita, taapkualu
- Taapkua uuktuqhimayut-naammagiyauplutiklu ***havauhiit*** ikayuutauyut Katimayinut iniqhivalliyaamik havaaghainik tamatkiumayumik, ihuaqtukkut, maligat ihumagiplugit maligaliuqhimayullu.

NAUNAITTUGHAQ: Hapkunani titirautinit, uqauhiq “nunallaq” atuqtauvaktuq ilittuqhitiyaamik Haamlanik ***taaffuminngalu*** Nunauyuq Iqaluit.

Katimayit Ataniqtuqtuiyut

Nunavunmi haamlatkut makitapkaivagait maligaliuqhimayukkut taapkuningga Kavamatkut Nunavunmi kavamatuqailluuniit. Malruk *Maligait* havauhighaliuqpaqtuq haamlatkunnik kavamaliqiyut: taamna *Nunauyut*, *Nunallaat Ikluqpaqarviillu Maligait*, tajja atuqtauyuq Nunauyumut Iqalungnit, taamnalul *Haamlatkut Maligait*, atuqtauvaktuq Nunavunmi 24-nguyunit Haamlanit.

Taapkua malruk *Maligait* Katimayinik pitquivaktuq taimaa:

- Ihumagilugit naammainnariamik ihumagiyaitalu nunallaarmiut tamatkiumayutut ilittuqhitilugillu Katimayit hunanikiaq hivumuuqtittivalliyaamik naammainnarniit ihumagiyaitalu inuit.
- Ilaulutik titiraqtuiyunik qauyihaiyuniklu maligaghaliuqhimayunik, parnaiyautinik aullaqtittiyaghainiklu nunallaarnit kavamait.
- Ilaulutik katimatillugit Katimayit Katimayiillu Katimayiralaangit.
- Naunaiqhitiimalugit aulapkaiaaanic titiraliqiyaaniklu nunallaarnit kavamait.
- Ilittuqhitittailinahaqlutik
- Havaaghanik inirahaqlutik havauhirnikiaqluuniit Katimayit iniqtaghariyainik.

Hakugingnilluat havaaghalluallu Nunavunmi haamlatkut titiraqhimayut talvani malrunnit Maligaqnit unipkaanguyut qulaani, amihuttauq Maligait atuqtauvaktut kitumikiaq havaaghainit haamlatkut kavamait. Taapkuanguyut:

- *Parnaiyaiyut Havaaghaniklu Qauyihaiyut Maligait*
- *Nunavunmi Maniliqiniqmut Titiraliqiyit Maligait*
- *Nunavunmi Atuinnaialautit Naunaitkutanic Ilitturinnainniqnullu Maligaq*



- *Nunavunmi Havakvingnit Aanniaqtailiniq Aanniqtailiniqmullu Maligaq Maliktaghailu*
- *Nunavunmi Uqauhilluanut Maligaq*
- *Nunavunmi Niruaqtut Maligait*
- *Nunavunmi Irininaqtunut Kiutjuhirnut Maligaq*
- *Nunavunmi Parnaiyaiyut Havaaghaniklu Qauyihaiyit Maligait*
- *Qinmirnut Maligaq*

HAVAAGHAIT ILAGIINGNILLU

Havaaghaita Miiyam, Katimayit, Angayughiqlu Titiraliqiyit Havaktia/Atanilluaq Titiraliqiyi (SAO/CAO) qitqaniittut ataniqtuqtuiyunit haamlanit Nunavunmi tamaat. Munaqtaghait naunaiqhitiyauniaqqut *Ilanga 3-mi: Munaqtaghait.*

Hamani titiraqhimayut ihumagilluaqpagait ilaayumik unipkaanut – aghuurnaaniit ilagiittiarniqmut aallatqiiktunik ulapqiyiqaghuni. Tuhaqtittigiighutik nunallaarmiut tuhaqtittiyiillu, ilihimattiaqhugit inuit ihumagiyait, apiqhuiplutik Katimayit katimatillutik, angiqatigiighutik, havauhiqattiarahuaqhutik Katimayit tamatkiumanahuaqhutik ihumaliuqhimataarumik ihumagittiarniqmut ukpiruhungniqmullu ihuaqtauyut haamlatkunni ilaayunut havaaghaita inirahuaqhugit.

Talvuuna, hapkua ilangi ilitturiyauhimayut *ilagiingniq* mighaagut haamlatkunni ataniqtuqtuiyunit.

Ilagiingniit Katimayunit

Ihuaqtumik aulayaamik, Katimayit havaqatigiiktughat. Ayuqnaqhilaatuq, aallanik ihumaqaramik, itqaumayaqaramik, ilihimayaqaramiklu tamangnik Katimayit havakvingnunngaqpagait. Havaqatigiittiarimik ihuaqtukkut, hapkua havauhittiat maliinnarialgit:


- Naalaklugit ihumagittiaqlugillu ihumagiyaita inuit.
- Ihuaqtunik apiqhuutinik apiqhuilutik Katimayinut havaqatigiiklutiklu ilihimattiarimik kiutjutait.
- Katimaqatauvaklutik angmaumayumik ihumaqarlutik hanatunahuaqtumiklu katimaqatigiingnut pitquhiqattiarlutik.
- Ihumaaluutit unipkaaqlugit, inuunngittumik.
- Angiqhimagiiklutik ihuilutiqagiigiamik ilihimalutiklu taimaa hanatunahuaqtumik aallatqiingniit naammannaqtut.
- Ilittuqhittailinahuaqlutik
- Uqaqlutik atauhikkut nipikkut – ihumagittiaqlugit ikayuqlugillu ihumaliugait ihumaliuqtaaraangat.

Ilagiingniit Katimayit Ahiillu Ikayuqtigiit

Katimayit ilagiikpaktut aallallu ikayuqtigiit ilaayullu, taapkuatut aallatqiingyut kavamait, timiqutit, katimayit, nanminiit, manigharviit, manighiunngittullu.

Amihuuyut hapkua ilaayut manighaqtittivaktut atauttikut, katimaqatauvaghutiklu manighaqtittiyaamik, nunallaarnit hulilukaaqtunik aullaqtihimayainiklu. Havaqatigiplugit hapkua ilaayut, Katimayit munariyaghaat taapkua:

- Angirutitaarahuaqlutik taimaalu/uniiit manighautinut ikayuutinullu angirutinik.
- Naunaitkutanik maniliqiniqmullu titiqqanit tunilutik, pitquyaugaangat.
- Ilittuqhitilutik taimaa maligait maligaliuqhimayullu munaqtaghait maliktauyut.
- Naunaiqhitivaklutik aulapkaiyaanut ikayuutainullu.
- Naunaiqhitiyauvaklutik unniutjauvaklutiklu aulapkaiyaanut, ikayuutainut, aulapkaiyaanullu.



Katimayit Nunallaarnilu Kivgaqtuiyut

Tuhaqtittitariamik ihuaqtauyug ihuaqtumik ilagiittitariamik nunallaarmiullu timiqutaillu. Aghuurnaqtug katimayit atauhiqmik nipiqliariamik ihumaliugainut Katimayit.

Qanuq tuhaqtittigiigiamik nunallaarmiullu taapkuanguyut:

Katimayit Katimatillugit – katimavighait ilittuqhitiyaulutik inuit katimaqataulugit. Ilauquitjutinit iliqahiutiyughat katimatjutighait ilittuqhitalugit kitukiat katimaqatauyut.

Inuit Katimaviinit – tuhaqtittilugu huuq katimanahuat nanilu katimaniaqhimayut, ingattauyug katimaniaqhimaguffi ahinit katimayit katimavianit.

Aallakut Tuhaqtittiplutik – tuhaqtittilutik qauhittiarnaqtukkut nunallaarnut, taapkuatut tuhaayaghat titiqqakkut, titiraqaqvikkut titirakkut, nivingayukkut naunaitkutakkut, naalautikkut, ahikkullu tuhaqtittiyikkut.

Katimayit Havaktiillu Ilagiingniit

Katimayit atauhiqmik havaktigit – taamna Angayughiq Titiraliqiyi / Atanilluag Titiraliqiyi:

- Katimayit havaktighaqhiuqpaktut, ikkuaqtuivaktut, qauyihavaktut, pihimanahuapaghugu SAO/CAO.
- Katimayit titiraqpaktut maligaghaliuqhimayunik ilittuqhitiyunik SAOm/CAOm ataniqtuqtuivianik munaqtaghainiklu.
- Taamna SAO/CAO havaktighaqhiuqpaktug, munarivaghugit, taniqtuqpaghugillu tamangnik havaktiit.

Katimayit ilihimayaghait nutqautaita havaaghainit hiuruyaaruqilugu havaaghaita SAOm/CAOm:

- Katimayit ilihimayaghaita havaaghaita SAOm/CAOm ahiillu havaktiit.
- Katimayit ikkuaqtuivaktut maligaghaliuqpaghutiklu haamlatkut titiraliqiyiinut maliktaghainiklu havaaghainit.



HAVAAGHAIT ILAGIINGNIQMULLU INMINGNUT-QAUYIHAUTIT

1. Kitut malruk malikkat aulapkaivat Nunavunmi havauhiinik haamlatkut kavamait?
✓ Ihivriuriamik, *takulugu makpiraq 2*.
2. Kitut ilangi havauhiuyut ikayuutauyut Katimayinut havaqatigiittitariamik?
✓ Ihivriuriamik, *takulugu makpiraq 3*.
3. Qanuq tuhaqtittihimaniq aullaqtittivalliaa ilagiittiarniqmik nunallaarmiunik havakvingniklu?
✓ Ihivriuriamik, *takulugu makpiraq 4*.
4. Taapku Katimayit havaktighaqhiuqpakpat, munarivagait, taniqtuqpagaillu haamlatkut havaktiit taapku kiihinnaunngittumik SAO/CAO-lu?
✓ Ihivriuriamik, *takulugu makpiraq 4*.



- Taamna SAO/CAO havaktiillu atuqtittivagait Katimayit pitquhimayait maligaghaliuqhimayullu inirahuariamik upluq tamaat havaaghaita.
- Ilauttailihimaittumik haamlatkut upluq tamaat havaaghainut, Katimayit ihuaqhainahuanninnarialgit ihumaaluutaayunik katimayinut inungnullu.

Niruaqtauhimayutut hivuliqtut, aghut havakpaktutit nunallaat nunagiyuminaqhinaqhugu. Ayuqnaqhivaktuq – inuit tamaita quviahungniannigittut talvuuna uqamiluutiyauniaqtutit ihumaliuqaqnut. Kihimi, nakuuyunik ilagiittiarniqmut havakpakkuvit titiraqhimayutut qulaani, kayumiittumik ihumagiyauttiarniaqtutit ukpiriyaulutillu taimaa nunallaarmiut ihumaalungnaittaamik taimaa iniqhiyumainnaqtutit nakuuyunik tamangnut nunallaarmiunut.

Qaritauyakkuurutinit Naunaiqhiviit

Naunaittiarumaguffi havaaghainik ilagiingniillu, hapkua pivighat ihivriuqlugit

Haamlatkut Maligait

Taamna *Haamlatkut Maligait* qauhittiarnaqtumik ikkuaqtuivaktuq Aviktuqhimayum 24-nguyut Nunallaat qanuq naahuriyaayaaghait havaaghainigait. Ilanga II Maligaqnit – Ilaita 32, 33-lu – ihumagilluaqpagait Katimayit Munaqtaghaita. Atuqlugu una atatarut titiranugiamik Maligaq taimaa PDF-tut.

[file:///E:/Downloads/635423168201875000-314879935-consrsnwt1988ch-1%20\(4\).pdf](file:///E:/Downloads/635423168201875000-314879935-consrsnwt1988ch-1%20(4).pdf)

Nunauyut, Nunallaat Iklupaqarviillu Maligait

Taapkuatut *Haamlatkut Maligait, Nunauyut, Nunallaat Iklupaqarviillu Maligait* ihariagiyainik ilittuqhitivaktuq, havauhirnik, maligaliqiyinillu pitquyahimayut havaaghainut nunallaarnit nunauyunik, nunallaarnik ikluqpaqarvingniklu (tajja Iqaluit avaliittuq).

Maligaq piinnarialik PDF-tut talvanngat:
[file:///E:/Downloads/635302392195156250-2143437484-consrsnwt1988cc-8%20\(1\).pdf](file:///E:/Downloads/635302392195156250-2143437484-consrsnwt1988cc-8%20(1).pdf)

MUNAQTAGHAIT

Katimayit Munaqtaghait

Niruaqtauhimayut Katimayit ataniqtuqtuiyut timiqutaayut haamlatkut kuapuriissaanit munaqtiuplutik hakugingniinik, tamangnik maligaliqiniqmut titiraliqiniqnullu.


Katimayit munaqtiuyughat aulapkainiqmik haimaniqmik, malittiarniqmik, nakuuyumiklu kavamanik nunallaarnit. Taimaa iniqhiyaamik, unipkaaqqhimayutut hivuanit, Katimayit kitunikiaq hakugingnilgit *Haamlatkut Maligait, Nunauyut, Nunallaat Iklupaqarviillu Maligait*, ahiillu maligaliuqhimayut.

Kitukiat havaaghat pitquyahimayut ataagut taamna *Nunauyut, Nunallaat Iklupaqarviillu Maligait*, taapkualu haamlatkut Katimayinut ihumaliurnaattuq kihimi inirahuariamik. Taapkuatut, tikkuaqtuiyut Angayughiqmik Titiraliqiyimik/Atanilluaqmik Titiraliqiyimik (SAO/CAO) iniqhiyaamiklu ukiuq tamaat maningnut atuqtaghainik havaariyaulluaqtuq.

Katimayit ihumaliuqhimayunik havaaghalgit. Taimaitpat, ihumaliuqtaghaat Katimayit iniqhiyaamingnik havaaghainik. Taapkuatut, katimayiralaanik makitapkaiyaamik ihumaliurutigiyaamik nutaamik ulapqiviliuriamik atahiuuyut Katimayit ihumaliurnikkut hakugingniita. Katimayit *aghuaqtauyiittut* katimayiralaanik makitapkaiyaamik.

Tamatkiumayumi, Miiyauyuq Katimayillu naahuriyaayut taimailuriamik:

- Nakuuyumik hivuliqtiyaamik kivgaqtuqlugulu nunallaq tamatkiumayutut.



- Titiraqlugit haamlatkut ihumagiyait irinigiyaillu qauhittiarnaqtukkut parnaiyaiplutik.
- Makitapkailutik munarilugillu maligaghaliuqhimayut aulapkaiyaillu
- Ihumaliuqlutik – ihumagiplugit naunaitkutalluat nakuuyullu qauyihautit.
- Tuhaqtittiqaqlutik aulahimaittumik ihuaqtukkullu ilagiingnut, SAO-mut/CAO-mullu, inunngnullu.
- Munarittiaqlugit ihuaqtukkullu haamlatkut pivighait.
- Amirnaiqhimanahuaqlugu nunallaaq, aanniaqtailiplutik, aumayaarnaqtumiklu.

Ahiagut taapkua havaaghalluangit Katimayit, kitukiat havaaghat tuniyauvaktut Miiyamut, Katimayinut, SAO-mut/CAO-mut, haamlatkullu havaktiinut. Hapkua havaaghat unipkaanguyut ataani.

Hulivakpa Miiyauyuq?

Miiyauyuq takunnatqiyauyuq katimayi Katimayinit, aulattiarnialu Katimayit ihumaliuqtauvaktuq Miiyauyum hivuliqtiuniagut. Ahiagut taapkua katimayit havaaghat, Miiyauyuq – angayughiupluni titiraqtilluaq haamlatkunni – ahiaguttauq havaaghalik.

Uqauhilluaq atuqhugu talvani *Haamlatkut Maligainit*, Miiyauyuq piyughaq taimaa:

- Aulapkaittiaqlutik pittiaqlutiklu tamangnik katimaviinit Katimayit ihumaliuqlutiklu taimaa tamangnik apiqhuutit pittiarinimut naammagiyauyaaghat Katimayinut tamatkiumayutut.
- Hivuliqtiulutik ikkuaqtuilutiklu Katimayinik.
- Havakpaklutik taimaa tamaita maligait ataniqtuqtuiyut haamlatkunnik aviktuqhimayumiklu maliktauyaamik.

- Ihuilutauyut tamangnik hugiyuinniqmit, pimmarlungniqmit, ihuinaarniqmillu havaaghainit havaktiit katimayiilluuniit taniqtauniaqtut.
- Katimayit ilihimapkailugit hunanik pitquyauhimagiyuniklu havauhiqnik ihuaqhaitjutaulaat maniutainik naammainnarnianiklu haamlatkut.
- Atiliqhiqatauluni saliuganik akiliqtuutighat kivgaqtuqhugit haamlatkut (hapkua havaaghat tuniyauyuitkumik Katimayimut tikkuaqtauhimayuq Katimayinit).
- Katimayinut ilittuqhilitutik kitumikiaq maniliqiniqmut naunaitkutanik ilittuqhitiyunik hugiyuunngittunik, ihuilutauyunik ihuinaarutimikluuniit makpiraaqnit atugaqniluuniit haamlatkut.
- Ikkuaqtuilutik havaktinik haamlatkut kuapuriissaanit.

Hulivakpat Katimayit?

Havaaghaita inittiarinimik, Katimayit ihumagittiaqtaghaat nunallaaq ihumagiyaitalu hivunighamut. Katimayit hakugingniit piyumayumaniillu naahuriyauvaktut tuhaqtittivauhiigut ihumaaluutunik naammagiinnaqlugillu katimayit ihumait.

Katimayit ihumagittiaqtaghait qaffiyut ilihimayaghat nakuuyumik ataniqtuqtuiyaamik:

- Nunallaarmiut ihumagiyait ihumagilluaqhugit inmingniinnaunngittumik.
- Quviahuutigittiaqhugu pittiarinimut haamlatkut kuapuriissait.
- Pittiaqhutik havauhikkut nakuatullu.
- Ilihimattiaqhugit maligaliqiniqmut nutqautait nunallaarnit kavamait.
- Ihumagittiaqhugit tajja atuqtauyut ihuaqtunullu maligaghaliuqniq
- Ihumagittiaqhugit haamlatkut havaktiit titiraliqiyillu havaaghaita havaktiit.



- Aulapkaiplugu nunallaarnit maligaliqiyit titiraliqiyiit atuqtittivallianiqlu.
- Titiraliqiplutik aviktuqhimayumi kavamatuqaillu maligainik mihingnautauyut nunallaarnit kavamanit.

Havaaghaita SAO/CAO


Angayughiq Titiraliqiyit/Atanilluaq Titiraliqiyi havaktiuyuq Katimayinit tikkuqaqtauhimayughaqlu maligaghaliuqhimayukkut malighugit *Haamlatkut Maligait*, Ilanga 43.

Ihumagiplugu uqauhiit Miiyaum, taamna SAO/CAO-nguyum havaaghariyait titiraqhimayut *Haamlatkut Maligainit*, Ilanga 47, taimaittaamik:

- Munariyaamik ikkuaqtuilugillu havaaghaita haamlatkut kuapuriissat, havaktiit, ahiillu havaktiit.
- Atuqtittivallialugit maligaghaliuqhimayait Katimayit.
- Unniqtuivaklutik Katimayinut.
- Ihivriuglugit naunaiqhitalutiklu tamangnik haamlatkut havaanginnik pitquyauhimayutut Katimayinit.
- Nalauttaaqqhimayut manighautait akiliqtuqtaillu iniriqhimayughat ihumagiplugu *Haamlatkut Maligait*.
- Kaantulaaktitaghaita haamlakut kuapuriissat iniriqhimalutik aullaqtitalutiklu pitquyauhimayutut Katimayinit.
- Havaaghait ahiit iniqhimalugit Katimayit pitquhimayait.

SAO/CAO-nguyug ahinik havaaghiliktauq titiraqhimayut talvani *Haamlatkut Maligainit*. Kihimi, Katimayit tikkuqaqtuinnarialgit ahinik havaktinik maligaghaliuqhimayukkut ihumagiplugu Ilanga 44 havaaghait havaariyaamik tuniyauhimayut SAO-mut. Hapkua havaaghauyut:

- Munarilugu haamlatkut naunaitkutaat nipitiqtauluni titiqqanut pitquyauhimayunit.
- Katimaviinit Katimayit katimaqataulutik titiraqlugillu nalaumayumik tamangnik pigiaqtihimayait, ihumaliugait, havaaghait.
- Titiraqlugit munarilugillu katimatjutait titiqqat ahiillu naunaitkutait Katimayit katimayiralaangilu.
- Munarilugit tamangnik hivullit maligaghaliuqhimayait haamlatkut
- Aajjikkutaliuqhimayunik tunihilutik maligaghaliuqhimayunik katimatjutiniklu ahiniklu inuit naunaitaghait titiqqat malighugu *Haamlatkut Maligait*.
- Munarittiaqlugit tamangnik maniutait qutangnaitjutailu haamlatkut kuapuriissait.
- Katitiqlugit pilugillu tamangnik maniutit nanminiriyait atugauyulluuniit haamlatkunnut.
- Tamangnik maniutit tuniyauhimayut haamlatkunnit maliguattiarimik *Haamlatkut Maligainik* ahiniklu ihuaqtut maligaghaliuqhimayut.
- Inittiaqhimayunik nalaumayuniklu titiraliqilutik tamangnik manighautinit tuniyauhimayut akiliqtauhimayullu kivgaqtuqhugu haamlatkut.
- Inittiaqhimayunik nalaumayuniklu titiraliqilutik atugaqnik tamangnik nanminiinut akiliqtaghainullu haamlatkut akiliqtuqhimayait ihuilutauyut maniliqiniqmut qanurininganiinut.
- Tamangnik maniliqiniqmut titirautit titiraqhimalutik malighugu *Haamlatkut Maligait* takupkaqtitalutiklu Katimayit pitquivakkumik.
- Maniliqiniqmut naunaiqhitalutik ihumagittiaqhugu haamlatkut kuapuriissait taamna Ministauyut piyumaniaqtaait.



**Aulapkaiiryuat akihaqtuqhugit
Titiraliqiyit**

Ihuaqtukkut havaqatiiktut Katimayiit – Aulapkaiiryuat Taliuyait nunallaarnit kavamanit – SAO/CAO-ngalu havaktiillu – Titiraliqiyit Taliuyait – nakuuyuq tunngaviyuq haamlatkut havakvigiinnarialgiit. Havaqatigiittiaqtughat aulahimmaaqlutiklu Katimayiit SAO/CAO-nguyuqlu Havaaghalluangit Katimayiit taimaa hivuliqtiulutik maligaghaliuqlutiklu. SAO/CAO-nguyuq maligaghaliurniqmut unniqtuiyuq taimaalu Katimayiit maligaghaliuqhimayait atuqtauyaaghait munaqtiyuq.


Havaktiit, ikkuaqtiupluni SAO/CAO-nguyuq, naunaiqhitihiyaghait Katimayiit

uplumi ihumaaluutauyunik naahuriyainullu. Tamangnik ihumaaluutit qauyihaqtauttiaqlutik taimaa Katimayiit ayuqnaittunik aallanik ihumagiyaghaqariamik. Titiraliqiyit havaktiit ilihimattiaqtut qauhimmattiaqhutik ihariagiainik Katimayiit taimaa havaaghaita inittiarimik ihuaqtukkut.

Taimaittuq kihimi, aviktuqhimaniit aulapkaiiryuat maligaghaliuqhimayainit titiraliqiyaamiklu ilitturittiarnaitpaktuq. Mamianaugaluq, quulliriikpangniaqtut akunnngani malruk. Kihimi, tamangnik ilayut ilihimattiarumiuk ahiit havaaghait havaaghaitalu haniliriikkumik, ihumagittiarutigiikpallianiat tunngaviuttianguluni ataniqtuqtuiyaamik haamlatkunnik titiraliqipugit havaaghaita.

KATIMAYIIT HAVAKTIILLU NAAHURIYAITA ILAGIINGNIT:

Qanuq Katimayiit naahurivaghat havaktinit?	Qanuq havaktiit naahurivaghat Katimayinit?
Maliklugit Katimayiit uqauhiit.	Pittiaqlugit ihumagittiaqlugillu havaktiit nunallaarmiullu.
Atuqtittivallialugit maligaghaliuqhimayut, ihumaliukkat, maligaghaliuqhimayullu.	Ilihimmattiaqlugit havaktiit havaaghait munaqtaghaitalu.
Aullaqtittilutik ayuiqhaqvingnik ikayuutiniklu.	Ilittuqhaqlugit ayuiqhaqviit, ikayuutait, aulapkaiyaillu.
Nakuunnnginnarahuaqlutik havaqatigiplugit ikayuqtauyut inuillu.	Ilalutik parnaihimalutiklu katimavighainut.
Katimayiit naunaiqhitihiyut nalaumayunik naunaiqhitanik, naunaitkutanik, uqauhirniklu ihumaliuttiariamik.	Ihuaqtunik, ilaanilu ayuqnaqtunik, ihumaliuqlutik ihumagiplugit tamangnik naunaitkutut hailiyauhimayut.
Tuniqhilutik ayuqnaittunik qauhittiarnaqtunik tatqiqhiutit tamaat maniliqiniqmut titiqqanik..	Tuniqhimainnaqlutik Katimayiit ihumaliugainik ikayuqlugillu havaktiit atuqtittivallianahuaqhutik ihumaliugaqnik maligaghaliuqhimayuniklu.
Pittiaqlugit ihumagittiaqlugillu nunallaarmiut.	Katimayiit nakuugilluaqtagharinngitait ilaita, ilannaita, nanminilgillu havaqatait.
Atuqtittilugit tamangnik maligaghaliuqhimayut naatkutigiiktumik.	Tuniqhihimainnaqlugit malittiaqlugillu haamlatkut maligaghaliuqhimayait.
Maliklugit maligaliuqhimayut maligaliqiyillu havaaghaita.	Katimayiit unniqtuilaittut havaktiit havaaghainik atannguyaulaittutiklu.
Kiulugit inuit qilamiuqlutik pittiaqhutiklu.	Tuniqhihimainnaqlutik ilihaqtaghanik taapkualu havaamingnik ayuiqhavalliayut taapkununga SAO-mut/CAO-mut havaktinullu.



Qaritauyakkuurutinit Naunaiqhiviit

Naunaittiamik havaaghainik, hapkua ihivriuqlugit titiraqhimayut *Haamlatkut Maligainit*.

Haamlatkut Maligait, Ilanga 32.1

- Ilittuqhitiuyuq Katimayit havaaghainik.

Haamlatkut Maligait, Ilangi 39 – 42-mut

- Ilittuqhitalugit ahiagut munariyaghait Miiyayum Tuklialu Miiyayum.

Haamlatkut Maligait, Ilangi 47, 48-lu

- Ilittuqhitalugit havaaghaita SAO/CAO-nguyuq

Piyuitkuvit huli, atuqlugu una atatarutik titiranunngariami Maligaq PDF-tut.

[file:///E:/Downloads/635423168201875000-314879935-consrsnwt1988ch-1%20\(4\).pdf](file:///E:/Downloads/635423168201875000-314879935-consrsnwt1988ch-1%20(4).pdf)



MUNAQTAGHAINUT INMINGNUT-QAUYIHAUTIT

1. Kitut ilittuqhitiuvat Katimayit *havaaghariyainik* taapkualu *pitquyauhimayut* havaaghainik?
✓ Ihivriuriamik, *takulugu makpiraq 5*.
2. Ahiagut havaaghaita Katimayitut, kituuvat aallat havaaghait Miiyayut naahuriyayutut havaaghariyait?
✓ Ihivriuriamik, *takulugu makpiraq 6*.
3. Katimayinut, qanuriliuqnaqqa hakugingniit ilittuqhitiyaamik atuqtittiyaamiklu Katimayinit?
✓ Ihivriuriamik, *takulugu makpiraq 6*.
4. Kina munaqtiuva atuqtittivalliyaamik Katimayit maligaghaliuqhimayainik?
✓ Ihivriuriamik, *takulugu makpiraq 7*.
5. Kituuvat ilangi SAO/CAO-nguyum havaaghalluangit?
✓ Ihivriuriamik, *takulugu makpiraq 7*.
6. Qanuq naahurivaghat Katimayit havaktiinit - kipughiplutiklu?
✓ Ihivriuriamik, *takulugu makpiraq 8*.



HAVAAGHAT HAVAUHIILLU

Katimayit amihunik havauhiuliqtunik atuqaktut inirahuaqhugit havaaghaita niruaqtauhimayut. Havauhiit hapkua nutaanngupalliahimayut ukiunit ikayuriamik Katimayit ahiillu niruaqtauhimayut timiqutit naatkutigiiktumik havagiamik, iniqhittiaqhutik, ihumaliuttiaqhutiklu. Ilangi Katimayit havaaghalluangit – havauhiillu iniqhittiariamik – unipkaanguyut hamani titiraqhimayunit.

Nunallaarnit Kavamait Aullaqtihimayait Ikayuutailu

Haamlatkut munariyalluangat taapkua aulapkainiq ayuiqhaqvingnik ikayuutiniklu taapkuatut:

- Apqutit ahiillu ikluqpaliuqhimayunit ahiqquiyainiq, imautinik anaqniklu kuvvirnik aulapkaiyut, imiqtautituqtut, iqqakurnik agyaqtaqtut, anaqnik kuvihiyut, ahiniklu ikayuutinik aghuurnaqtut aulattiariamik nunallaarnit.
- Nunallaarnik parnaiyaiyut.
- Amiqhiyut irininaqtunullu ikayuutit.
- Ulapqipkainiq, ulapqiyut, inuuhiqattiaqtut, inuuhiqattiarniqmullu ayuiqhaqviit.
- Munaqtiuyut nunallaarnit nunautainik.

Ahiagullu, haamlatkut ilauvalliyut ihumaaluutinut ikpingnautauyunik nunallaarnut taapkualu nunallaarniut ilittuqhitiyumayainik. Taapkuangulaaqtut manighiurniqmut hanavallianiq, pivighanik hanavallianiq, inuuhiqattiarniqmut ihumaaluutit, aimaviilliurniq, amihuuyullu aallat. Ihumaaluutit hapkuatut ayuqnaqhilaqtut amihuuyullu “taangayut” talvani havaaghalluanit ilitturinnaittut taapkualu pivighat ikittuuplutik.

Ihumagilluaqtaghanik Hanayut, Ihuaqnighakkut Parnaiyautit, Maniillu Atuqtauuyughat

Katimayit Ihumagiyait

Ihumagiyait Katimayivut ihumaliuqhimayait ingniyuq ingilratjutauniaqtuq haamlatkunnut nunallaarnitlu hivunighaptingnut piyumayaptingnik. Kiuhiqvaktuq apiqhuutinik: “Uvagut hunanik, nunallaarmiutut, piyumavik? Naniittumavik ukiuq 20xx tikitpat?”

Taapkuatut, Katimayit ihumaliuqniaqquq taimaa nunallaarniut piyumayut “Halumayumik, aulapkaittiaqhimayumik nunallaarmik amirnaittumik aumayaaqtumiklu, havaaghalingmik inungnut tamaat, taapkualluanut inulrammiit iniqnirillu”.

Ihumagiyainut Uqauhiq Katimayinut “qulliuvaktuq ikkuuqtuiyuq”.


Maligaghaliuraangat ihumaliuraangalluuniit havaaghanut iniqtauyughanik nunallaarni, apirilutit: ikayuutauniaqqa ihumagiyaptingnut?

Ihuaqnighakkut Parnaiyautit

Ihumagiyait ilittuqhitiyuq inirumayarnik. *Ihuaqnighakkut Parnaiyautit* ingilratjtauvaktuq qanuq iniqniaqhimayarnut.

Nunallaarnit Ihuaqnighakkut Parnaiyautit:

- havakvighaliuqpaktuq hanayaghanut inungniklu tamangnik atauttimut nuhugaqtittuni,
- ikayuutauvaktuq Katimayinut havakvighait munariplugu puiguqtailipluhi hunat aghuurnariamik ihumagiyaaamik,
- maliktaghaliuqpaktuq qauhittiarnaqtunik SAO/CAO-nut havaktinullu,
- maliktaghaliuqpaktuq irininaqtuniklu maningnut atuqtaghanut, taimaalu
- hakugighaivagait havaqatigiit ilihimaliqtaigut havaqatigiingnikkut ayuqnaqtunik ihumaliuriamik.



Ihuaqnighakkut Parnaiyautit illittuqhaivaktuq inirumayainik nunallaarmiut qaffiuyunik ukiunik. Ikkuaqtuivaktut tikkuqaqtayunik irininaqtunik iniqtauyughaniklu. Ilaugumi Ihuaqnighakkut Parnaiyautinut havaaghaliuriamik inulramminut, iriniginiarungnaqhiyaat aullaqtittiniqmik ilihaqtaaqut-ayuiqhaqvighainik taimaaluuniit ahicquiyaiyaamik ikluqpangmik inulrammiit katimavighaat.

Maligaghaliuqhimayut aghuurnaraluaqhutik, angiyut ihumaaluutit Katimayit ihumagilluaqtaghait hivituyumiklu ihuaqhainahuaqlugu Kitukiat

havauhiit, taapkuatut ihicq munarinahuaqhugu qinmiillu hanguyut, aghuurnaqtut kihimi ihumagilluaqtaghaunngittut. Talvuuna Ihuaqnighakkut Parnaiyautit ikayuutauyut Katimayinut ihumagiyaamik angiyulluaq piksaunik.

Nunallaarnit Ihuaqnighakkut Parnaiyautit apqutingnut nunauryariyat. Kitukiat ihumaaluutit nuivalliagaangat, tautuktauyughat ihumagiyaulutik Ihuaqnighakkut Parnaiyautinit taimaa Katimayit ahikkuuqtailiyaamik, ihumagilugit irininaqtut, hangutitaqtaililitik aghuurnaqtunit.

IHMAGIYAIT NUNALLAARNILU IHUAQNIGHAKKUT PARNAIYAUTINUT TITIQTAGHAT

Havaaghaq	Havaaghalluangit
<p>1. Ihumagiyaqnik titiraqlutik</p> <ul style="list-style-type: none"> Ihumagiyaqnik titiraqlutik qanuq timiqutik inniariaghaanik 	<p>✓ Katimalutik unniqtuqtaulutik ikkuaqtuqtaulutiklu SAO/CAO-mit.</p>
<p>2. Titiraqlutik nunallaarnit Ihuaqnighakkut Parnaiyautinik Maningnullu Atuqtaghanik</p> <ul style="list-style-type: none"> Irininaqtut titiraqlugit Ilittuqhailugit ayuiqhaqvighat ikayuutillu Aviktuqlugit pivighat Titiraqlutik maningnut atuqtauyughanik Ilittuqhaqlugit havauhiit piyumayaillu 	<p>✓ Katimayit ingilravighainik iniqhivaktut irininaqtuniklu</p> <p>✓ SAO/CAO havaktiillu titiraqpaktut Ihuaqnighakkut Parnaiyautinik Maningnullu Atuqtaghanik Katimayit pitquhimagumik</p> <p>✓ Katimayit ihivriupagait angiqpaghugillu Ihuaqnighakkut Parnaiyautit Maningnullu Atuqtaghanik</p>
<p>3. Atuqtittilugu nunallaarnit Ihuaqnighakkut Parnaiyautit</p> <ul style="list-style-type: none"> Aulapkailutik ayuiqhaqvingnik ikayuutiniklu Titiraliqilutik aulapkaiyaanik 	<p>✓ SAO/CAO havaktiillu Katimayit pitquhimayaatut</p>
<p>4. Munarilugit qauyihaqlugillu nunallaarnit Ihuaqnighakkut Parnaiyautit</p> <ul style="list-style-type: none"> Ihivriuqlugit naunaitkutavaktinit Ihivriuqlugit aulapkaiyut ayuiqhaqvingnik ikayuutiniklu Ihivriuqlugit maniit atuqtauyughat maniliqiniqmullu titiraqutit Uqaqatigilugit nunallaarmiut Piyumayaita piyauyaaghait naunaiqhilitik ihuaqtauyaaghainiklu 	<p>✓ Katimayit munarivagait Ihuaqnighakkut Parnaiyautit</p> <p>✓ SAO/CAO havaktiillu naunaiqhivagait naunaitkutaniklu tunivaghut taimaa ihuaqtukkut munaqhiyaamik qauyihaiyaamiklu</p>
<p>5. Titiratqiklugit nunallaarnit Ihuaqnighakkut Parnaiyautit Maningnulluuniit Atuqtaghanut ihuaqqat</p> <ul style="list-style-type: none"> Aallannguqtirilugit parnaiyautit maniilluuniit atuqtauyughat iharianaqat 	<p>✓ Katimayit angiqpagait aallannguutit Ihuaqnighakkut Parnaiyautinut Maningnulluuniit Atuqtauyughanut</p> <p>✓ SAO/Cao naunaiqhivaktuq unniqtuivaghutiklu aallannguutinut Ihumagiyaanik Ihuaqnighakkullu Parnaiyautinut</p>



Maniit Atuqtauyughat:

Kingulliqaamit, Maniit Atuqtauyughat qauhittiarnaqtunik, naunaitiarnaqtunik naunaitkutaqaqtut qanuq aviktauniaqmangaat maniit ikayuriamik Ihumagiyaita irinigiyaitalu

Ilittuqhitiyaamik, maniit atuqtauyughat naunaitkutauyug maniliqiniqmut parnaiyautinik ilittuqhitiyuyug qanuq nunallaq munariniariaghainik maniutainik inuutainiklu. Talvunga kinguanut, maniit atuqtauyughanit ilaayut hapkua:

- Maniliqiniqmut parnaiyautit nalauttaaqtunik maniutainik tuniayuyughanik atuqtauyughaniklu.
- Aulapkainiqmut ikkuaqtiyuyug ilittuqhitiyaktug hulilukaaqtanik, ikayuutinik, havauhirniklu.
- Parnaiyainiqmut ikkuaqtiyuyug havakvighaliuqpaqtug hivunighami maniliqiniqmut havaaghanik.

Ingilrutit Katimayit Atuqpagait Ingilravighainut

Maligaghaliuqhimayut

Katimayinut ilauplutit, nunallaarnit maligaghaliuqtiyuyutit, havangniaqhimaplutit nakuuyumik maligaghaliurniqmut ihumaliuriamik. Qanuq taimaa qauhinnaqqa? Hunauyug maligaghaliuqhimayut?

Niruaqtauyumayutit ihumaliuqhimagavit aghuurnariyaqnik nunallaarnut, ihumaaluutigiyatit, aallannguqtirumayaitit ihumagiyatillu nunallaarnut. Ilaupluni nuutiqpallianiqmut nunallaarmiunit talvunga niruaqtauhimayumut hivuliqtimut, havaqatigiingniqmut, maligaghaliuqtit, havakpaktutik iliqahiutiyaamik ihumagiyaitit taapkualu Katimayiqativit taimaa atauttimut havagahuariamik.

Maligaghaliuqhimayut taapkuangulaaqtut atuqtittivallianiqmik maligaghaliuqhimayunik



MANILIQIYIT MUNAQTAGHAI

Ilitturinnaqtunik naunaitkutat haamlatkut maningnut atuqtaghainik ahiniklu maniliqiniqmut havauhiit ilihainnarialgit talvani Kavamaliqiyut Havauhiit Ilihaqtaghat. *Maniliqiyit Munaqtaghait* ilhaitjutit, ilihaqtaghalik qunngiaqtaghamik 30-niklu makpiralik Ilihaqtum Maliktaghaat, piinnarialgit NMTO-kut qaritauyakkuurutainit (www.nmto.ca). Una ilihaqtaghaq naunaitkualik taapkununga:

- Katimayit Havaaghait Maningnut Atuqtauyughanit
- Maningnut Atuqtauyughat Havauhiit
- Aulapkainiqmut Maniit Atuqtaghat
- Angiyunut Parnaiyautit Atuqtauyughallu
- Maniliqiniqmut Havauhiit
- Maniliqiniqmut titirautit
- Ukiug tamaat ihivriuhiyut



taimaa qinmiit anuhimayaamik inuqarniqmi taimaaluuniit nunallaarmiunik atutqiktittinahuaqtut hunanikiaq. Taimailingalaaqhuniilu tuhaqtittiyut iniqniaqhimayainik taapkuatut kikkiliuriamik nunanik atuqtittiyaamik, havaktighaqhiurniq nalvaaqhiuqtaghanik hanavalliyunik, havagahuarumikluuniit nunallaarni aanniaqtailiniqmut. Ukiuq tamaat maniit atuqtauyughat, Ikluqpaghaliuqvingnut Parnaiyautit, parnaiyautillu ihuaqnighakkullu havauhighat maligaghaliurniqmut uqauhiyut.

Hivuliqtuniqmut Maligaghaliuqhimayut

Hivuliqtuniqmut Maligaghaliuqhimayut ilittuqhitivaktut qanuq Katimayiit aulavaktughat. Hapkua angritauvaktut apuqhiqvianut, havauhirnut, iniqniaqhimalutiklu aulapkaiplutik Katimayinik. Iliqahiutlilaqtait atuqpauhiit Katimayiralaangit Katimayiit, havauhirnik inungnit tuhaayumaplutik, ihumaliurniqmullu havauhirnik. Atauttikkut, uqauhiqaqtumik taiyauyughaq:

- Miiyauyuq Katimayiillu ilagiingniit atauttimut nunallaarmiunullu.
- Katimayiit ilagiingniat SAO/CAO-lu.
- Nutqautit SAO/CAO-m atannguyaupluni.

Maligaghaliuqhimayut

Maligaghaliuqhimayut maligaghayut nunallaarnit. Taapkua Kavamatuqait Kanatami Kavamaillu Nunavunmi maligaghaliuqpaqtut, taapkualu nunallaat maligaghaliuqhimayukkut.

Katimayiit hakugingnilgit maligaghaliuriamik talvani Haamlatkut Maligait, talvanilu *Nunauyut Nunallaat Ikluqpaqayviillu Maligait*, aallallu ilauyut maligaliuqhimayut (taapkuatut, *Qinmiqnut Maligait*, *Parnaiyaiyut Havaaghaniklu Qauyihaiyit Maligait*, *Nunavunmi Irininaqtunut Havauhiit Maligait*, qanuqlu). Maligaghaliuqhimayut pingahuiqtuqlutik taiguaqtauyughaq maligannguqtinnagu. Taimaa nunallaarmiut tuhaqtittiyaamik havauhiinut.

Pigiaqtitauhimayut

Pigiaqtitauhimayut ilittuqhitivaktut havaariyumayainik Katimayiit taamna ihumaaluutauhimaghaarumik ihumaliuqtauhimattiarumilu katimayinit. Havauhirnit ilauyut hapkua:


- Ighivautalik (Katimayiluuniit) takupkaqtitaiyuq pigiaqtitaghamik Katimayinut.
- Katimayium pigiaqtittiniaqtuq, aippiqtuqtauluni inungmit.
- Ighivautalik unipkaarutigivagait pigiaqtitauhimayuq, naatkutigiiktumik ihumaliuqtiplugit akihaqtuqtunik angiqhimayuniklu.
- Katimayiit aniguqtitpagait akimavaghutiklu pigiaqtitauhimayumik angiqhimagiighutik, amigaitqiyait niruaqhimaplutik.
- Katimayiit ihuaqhailaaqtut titiratqiklutikluuniit pigiaqtitauhimayunik havauhiit atuqtittivallianiqtumut atuqhugit.

Aulapkainiqmut Parnaiyaiyut

Titiriamik angiqhiyaamiklu parnaiyautinik aghuurnaqtuq havauhiq Katimayinit taimaa aulattiarumik ayuqnaittumik ihuaqtumiklu. Parnaiyautinut ilauyut:

- Angiyunut Niuvigaghanut Parnaiyautit
- Irininaqtunut Parnaiyautit
- Nanminiqnik Munaqtiyuq Parnaiyautit
- Ulapqiniqmut Parnaiyautit
- Havaktighaliqiyit Parnaiyautit
- Qulliqturniqmut Parnaiyautit

Tamangnik ataaguuqtughat piksautilluaqmut nunallaarnit Ihuaqnighakkut Parnaiyautinut ikayuutigilugu Katimayinut, havaktinut nunallaarmiunullu kitut aghuurnaqtut tajja qanuriliurniariaghaallu hivunighami ihariagiyainut.



Ihumaliurniqmut Havauhiit

Unipkaaqqhimayutut, Katimayiit ihumaliugait uqauhiuvaktut taimaalu/uniit maligannuqpaqtut aniguqtittiplutik maligaghaliuqhimayunik, nunallaarnit maligaghanik, pigiaqtittiplutiklu. Katimayitut, taimailuqpaqtut pigiaqtittiplutik.

Pigiaqtitauyut

Tamangnik Katimayiit havaariyaghait ilittuqhitiivaktut pigiaqtittiplutik. Tamangnik pigiaqtitauyut aippiqtuqtaulutik ilittuqhitiyaamik unipkaaqtaghanik hunauyunut. Ighivautalik pigiaqtitauihimayuyq uqaqhugu unipkaaquivaktuq akirautigiluguluuniit.

Ighivautalik ilaunginnarialik akiraqtuutiuyunut pigiaqtitauihimayumik kihimi ighivautaa tunihimataarumiuk tuklianut Miiyamut ahinulluuniit katimayimut, taamna Tuklia Miiyaayum huitkumi. Ighivautalik utitqikpaqtuq ighivautaanut unipkaariyautaaqqat akiraqtuutiuyunit.

Pigiaqtittigaangamik, angmaumavaktuq unipkaaqtaghaq akiraqtuutiyaaghaqlu. Unipkaangat munarivagaat ighivautalgum. Pitquhiuvaktuq tamangnut katimayinut,

ahiagut pigiaqtittiyuq, uqauhiqariamik atauhiugaluamik tamangnut pigiaqtihimayunut. Ighivautalik naammagiinnarumiuk unipkaariyait pigiaqtitauihimayumut, tamangniklu katimayiit nipliquyauhimagumik, ighivautalik pigiaqtitqikpaktaat niruaquivaghunilu.

Aallatqiiktut pigiaqtitauyut atuqtauvaktut aallatqiingnut atuqtainut. Tahapkuatut:

Pigiaqtitauihimayuyq ihuaqhaiyaamik

pigiaqtitauvaktuq aallannguqtiriyaamik ihuaqhaiyaamikluuniit pigiaqtitauihimayuyq taamna pigiaqtitauihimayuyq niruaqtautqiktinnagu. Pigiaqtitauihimayuyq angmaumavaktuq ihuaqhaqtauyaamik talvunga apiqhuutauvighaanut (niruaqtittigumik). Ihuaqhaitjutighanut aippiqtuiyuqaqtughaq taamna hivulliq pigiaqtitauihimayuyq aippiqtuqtauihimagumi.

Pigiaqtittiyut Hapummihimayaamik

atuqtauvaktuq pigiaqtittiyaamik utiqvighaittumik ihumaliuqtaghaq kihimi pigiaqtitqiktaulaaqtuq amihuutqiyat katimayiit ihumaliurumik. Pigiaqtittihimayut “hapummihimayaamik” taimaaluuniit “ikpatingmiipkaqlugu” taimaililaqinnaqtuq.



HAVAUHIGHAT KATIMAYIIT KATIMAVIINIT

Pivighatqiuyuyq naunaiqhivigiyaamik qanuq Katimayiit katimavagiaghait talvaniittuq *Nunavunmi Maliktaghat Katimayiit Katimatillugit*. Piinnarialgit talvani Pivighat ilangannit NMTO-kut qaritauyakkuurutainit (www.nmto.ca), the Guide provides information on:

- Aallatqiingniit katimaviit (katimaviit, ahiittunut katimayut, irininaqtunut, ilitturinnaittukkullu)
- Katimayunit havaaghat
- Katimayut katimatjutighait
- Havauhilluat
- Parnaiyaiyut katimatjutinik titiqqanik
- Katimayiralaat



- Havauhiit Maligaghaliuqhimayunut
- Maliktaghat Pittiarniqmut



Pigiaqtittiyut Kinguvaqtittiyaamik

Katimayiit ihumaliurumagumitku pigiaqtitauhimalraaqtuq kinguani katimavianit, kitumikiaq katimavianit. Pigiaqtitauhimayuq pigiaqtitaunginnarialik akiraqtuqtauhimagumiluuniit pigiaqtitauhimayuq kinguvaqtittiyumayumik.

Pigiaqtittiyut Katimahuiriamik

atuqtauvaktuq katimavigiyaat taimaariamik ihumagihuiriamikluuniit apiqhuutinik. Ihuuqhaqtaulaittuq akiraqtuqtaulaittuqlu taimaalu atauttikkuq niruaqtuqtauyughaq.

Hapkua ilittuqhitit ikittuqaluit aallatqiingnit pigiaqtihimayunik atuqtauvaktut Katimayiit katimagaangamik. Unipkaat pigiaqtittiniqmut naunaittiarnaqumik ilittuqhitihimayut talvani MTO-kut makpiraangit atilik *Nunavunmi Maliktaghat Katimayiit Katimatillugit*.

Ihuinaaqtailiyut Katimatjutigiyainut

Niruaqtauhimayutut hivuliqtitut, aghuurnaqtuq taimaa ihumaliuqtaililutik ihumaliuqhimavunut

manikkut ikayuutauniarumik ilingnut iklumiuqatingnulluuniit. Taimainniqqat ihuinaarutauyuq katimatjutigiyainut.


Katimayi piniaqhimapluni pittailihimapluniluuniit manikkut ikayuqtauyumaniaqtuq ihumaliugainut Katimayinut Katimayiralaanginulluuniit, taamna Katimayi taimailiyughaq:

- tuhaqtittiluni taimaa ihuinaarutilik katimatjutigiyainut taimaalu titiraqtauhimayughaq katimatjutainit,
- unipkaaqtulaittuq nirualaittuqluuniit katimatjutigiyainut (amihut Katimayiit atuqtittivagaat maligaghaliuqhimayuq, havauhiqluuniit, taimaa taapkua Katimayiit ihuinaarutilgit anihimallaklutik katimavianit unipkaariyautillugu), taimaalu
- aghuuqhanngillugit ihumaliugait qanukiaq – hivuanit, katimatillugit kinguaniluuniit katimaviat.



HAVAAGHAIT HAVAUHIILLU INGMINGNUT-QAUYIHAUTIT

1. Huuq Katimayiit *Ihumagiyainut Uqauhiqaqqat*?
✓ Ihivriuriamik, *takulugu makpiraq 10*.
2. Qanuq taamna *Ihuuqhaqtaulaittuq Parnaiyautit* ilauva Katimayiit Irinigiyaainut Inirumayainullu?
✓ Ihivriuriamik, *takulugu makpiraq 11*.
3. Hunayuq *maligaghaliuqhimayuq*? Ilittuqhitilaaqqit ilangi Katimayiit maligaghaliuqhimayainik nunallaarnit?
✓ Ihivriuriamik, *takulugu makpiraq 12*.
4. Qaffinik taiguaqtauvaktughat maligaghaliuqhimayuq maligautinnagu?
✓ Ihivriuriamik, *takulugu makpiraq 13*.
5. Qanuq havauhiqaqqa *pigiaqtitauhimayut*?
✓ Ihivriuriamik, *takulugu makpiraq 14*.
6. Kitut pivighat atuinrialgit ayuiqhaqpaallirumaguvit havauhiqnik atuqtauvaktut Katimayiit katimatillugit?
✓ Ihivriuriamik, *takulugu makpiraq 14*.
7. Hunayuq ihuilutit katimatjutaayunit? Qanuriliuqtughauvit ihuilutiqaruvit katimatjutaayunit?
✓ Ihivriuriamik, *takulugu makpiraq 15*.



Qaritauyakkuurutinit Naunaiqhiviit

Havakviat Nunallaarnik Kavamaniklu Ikayuqtiit (CGS)

Nunallaarnik Hanavalliyut Havakviat Havakvianit Nunallaarnik Kavamaniklu Ikayuqtiit (CGS) munaqtiuyut hanavalliyunik aulapkaiyuniklu ayuiqhaqvingnik ikayuutiniklu hakugighaiyut ikayuqtuiyullu haamlatkut kavamainit. Hapkua iniqtauvaktut manikkut ikayuqtauplutik aulapkaiplutiklu maligaliuqhimayunik havakvighanik taimaa nunallaarmiut hivuliqtiit kiuhiyaamik aallannguqtaqtunik ihariagiyaainut haamlatkut kavamaita aviktuqhimayumi.

Havakvingnit havaktiit ikayuqpagaat haamlatkut unniqtuiplutik hivituhiplugit ikayuutait taapkununga havaktunut haamlatkut kavamainit. Atauttikkut unniqtuqtauplutik nunallaarnit hanavalliyut havaktiit ilihaqpaalliqhutiklu katimatillugit nunallaarnit hivuliqtinut. Ilittuqhitighat hunaqutit taapkuanguyut makpiraat, maliktaghat naunaiqhitillu hailiyauhimaat atuqtauyughat haamlatkut titiraqtiit, katimayinit inungnillu.

Naunaittiarumaguffi hivayaqlugu aviktuqhimayumi havakvingnik:

Qikiqtani Aviktuqhimayumi

Nunallaarnik Kavamaniklu Ikayuqtiit
Nunallaarnik Hanavalliyut
Titiraqaviat 330 Kinngait, Nunavut X0A 0C0
Hivayaut (867) 897-3605
Kayumiktukkut: (867) 897-3633
Qaritauyakkut titiraqaviat:
egs.qik.cd@gov.nu.ca

Kivalliqmi Aviktuqhimayumi

Nunallaarnik Kavamaniklu Ikayuqtiit
Nunallaarnik Hanavalliyut
Titiraqaviat 490 Kangiqliniq, Nunavut X0C 0G0
Hivayaut (867) 645-8125
Kayumiktukkut: (867) 645-8143
Qaritauyakkut titiraqaviat:
CommunityDevelopmentRI@gov.nu.ca

Qitiqmiuni Aviktuqhimayumi

Nunallaarnik Kavamaniklu Ikayuqtiit
Nunallaarnik Hanavalliyut
Titiraqaviat Iqaluktuuttiaq, Nunavut X0B 0C0
Hivayaut (867) 983-4129
Kayumiktukkut: (867) 893-4003
Qaritauyakkut titiraqaviat:
CGSCommdevkit@gov.nu.ca

Havakvilluangat

Nunallaarnik Kavamaniklu Ikayuqtiit
Nunallaarnik Hanavalliyut Havakviat
Titiraqaviat 490 Kangiqliniq, Nunavut X0C 0G0
Hivayaut (867) 645-8119
Kayumiktukkut: (867) 645-8143
Qaritauyakkut titiraqaviat:
CGS.CD.HQ@gov.nu.ca

Haamlatkut Katimayit

Haamlatkunut katimayit Nunavunmi ilauyut taapkuua Nunavunmi Katimayit Katimayinut (NAM) taamnaluu Nunavunmi Katimayit Nunallaarnit Titiraliqiyinik (NAMA). Naunaittiarumaguffi hapkuninnga katimayinik hivayaqlugit havaktiit talvani:

Nunavunmi Katimayit Katimayinik

Titiraqaviat 4003
Iqaluit, Nunavut X0A 0H0
Qaritauyakkut: edofnam@northwestel.net
Qaritauyakkuurutaat:
www.nunavutcommunities.ca
Hivayaut: (867) 979-3327
Kayumiktukkut: (867) 979-3112



**Nunavunmi Katimayit Nunallaarnit
Titiraliqiyinik**

c/o Haamlatkut Ikluligaaryuk

Titiraqaviat 10

Ikluligaaryuk, Nunavut X0A 0B0

Hivayaut: 867-898-9926

Kayumiktukkut: (867) 898-9108

Nunavunmi Nunallaarnit Ilihaiyt Katimayit

Nunallaarnit Ilihaqtittiyut Timiqutaat manighiunngittut timiqutaayut, makitauhimayuk February 2003-mi. Havaqatigiiliqtut taapkua Nunavunmi Katimayit Nunallaarnit Titiraliqiyinik taapkualu Havakviit Nunallaarnit Kavamaniklu Ikayuqtiit aullaqtittiyaamik timiqutinik “ilittuqhiyaamik, hanayaamik atuqtittiyaamiklu ayuiqhaqvingnik taimaa haamlatkut havaktiit ilihimayaamik qauyihimayaamiklu ikayuutaayugghanik nakuuniqhanik haamlatkunni ayuiqhaqvingnik ikayuutinilu aviktuqhimayumi tamaat.”

Nunavunmi Nunallaarnit Ilihaiyt Katimayit

Titiraqaviat 1509

Iqaluit, Nunavut X0A 0H0

Qaritauyakkut: info@nmta.ca

Qaritauyakkuurutait: www.nmta.ca

Hivayaut: (867) 975-5346

Kayumiktukkut: (867) 975-5340

TAIMAAQTIRUTIT

Nakuuyumik ataniqtuqtuiyaamik havauhiuyuk hakugighaiyuk nakuuyunik kuapuriissanit hivuliqtinik...

... kivgaqtuqhugit tamangnik nunallaarmiut,

... ihumagilluaqhugit naammainnaqniat tamatkiumayumik nunallaarmiut,

... tuniqhihimaplutik haamlatkut angiqtauhimayainik ihumagiyainik, havaaghainik, inirumayainiklu, taimaalu



... munaqtiuplutik kivgaqtuittiaqhutik.

Taimaittaamik, Katimayit ilitturinnaqtughat, angmaumayughat, ukpirnaqlutik, havauhiqattiaqlutik naahuriyauyutut taimaa:

- havaqataulutik,
- ihumagittiaqlugit titiraliqiyit havaktiillu,
- nipiqaqlutik atauhiqmik talvuuna Miiyakkut,
- havauhiit ihuariyaulutik kivgaqtuittiaqlutiklu,
- havayuklutik naammainnaqlutiklu havaqatigiit, taimaalu
- kivgaqtuqhugit nakuuniqhakkut ihumagiyainik nunallaarmiut.

Niruaqtauhimayutit nuatqatingnit atuqtitauyaamik haamlatkut pivighainik qauhimattiaqtumik taimaa nunallaat nayugatqiyuaamik havakviuyaamiklu. Naammainnaqlutik hapkunani aghurnaqtunik havaaghanit!





© Nunavunmi Nunallaarnit Ilihayit Katimayit, 2020